

Gimaa Gamig owi Mina Bimaadiziwin

# Shkwaa Debinaman COVID-19

## Ashowizo-mashkiki

Zhibiigan 2.0 Onaabidin-giizis 29, 2021

### Wegnesh age dinendamaambaa ani bimiseg giizhigag?

- Gagwech agwa newen maanaaj inamjiwinan digosinoon wiisgineziwin, miskozheng, baagshing gaanji bidaakogowin, ekoziwin, dekwendibeng, mishkowiziiwinan gaagiidag, zaazaaenjiwin, aanikosing wiisgiziwin, miinwaa gazhizang dibasaag.
- Neniizaanag bkaan maanaaj inamjiwinan wewiikaa tenon. Ganoozh gdo mashkikiinini(kwe) maage mashkikiikwe maage zhaan memaanji besha etemigag niizaanag aajikinigan odi aakoziigamig giishpin ani zhiwomigag ninda maanaaj inamjiwinan biinji nisiwi giizhigag shkwaa debinaman ashowizo-mashkiki: babiikozhageshkaa, baagiingweng maage baagidoneng, znagag awii neseng, aapaji gwa waabiingweng miinwaa gogwetaani giikiimigoshing, gichi gizhisang (woshme 40°C), ojibinigo maage odaabishkaa, maage aanin bkaan neniizaanag inamjiwinan (dibishko gonaa "giikimanzing maage biinisanamanji'owin).
- Owi AstraZeneca/COVISHIELD ashowizo-mashkiki wiijibide owi gichi wewiikaa bkaan maanaaj inamjiwin ezhi gikenjigaadeg [Vaccine-Induced Prothrombotic Immune Thrombocytopenia \(VIPIT\)](#). Giishpin maaji yaaman niinda enizhibiigaadeg inamjiwinan shkwaa debinaman owi ashowizo-mashkiki aga bigosenimigwo wewiib awii debinaman mashkikiikewin: nonde naamiwin, gaagijj okaakogan, baagising maage dikaag anik maage okaad, aabaji gaagijj masideng, aapaji maage woshme aapaji dewikwendibeng maage biigizawinam, maage niibna egaaching ozhaawashkosewinan yaaman, miskwaa maage miinaandeg gidagiziwinan maage miskwi apishkwebiigiziwin naama nagay.

### Aabdeg ana yaa-aabi nga naagidonan COVID-19 bemaadizijig mina bimaadiziwin inaakinigewinan?

- Owi ashowizo-mashkiki aawan awii aanke gnowendiziyin owi COVID-A9 awii debinaman. Shkaa debinaman wegdogwen agwa COVID-19 ashowizo-mashkiki gdaa aabajitaa naagodowin COVID-19 inaaknigewinan, dibishko gonaa biiskaman gibiingwegan, gaawii beshaa yaasing miinwaa giziibiigininjiwin.

- Dibaamidan newen inamjiwinan owi COVID-19 miinwaa zhaan awii ndakenimigowin giishpin yaaman inamjiwinan.

**Aaniish apii age bskaabii-aan awii debinama ekwa niizhing ashowizo-mashkiki?**

- Aabdeg gwii debinaanani niish bidakoogowinan owi ashowizo-maashkik awii moozhiki yaaman gaa-naadamaagoying awii bwaa aakoziwin. Giishpin maanda shki ntam aawang debinaman COVID-19 ashowizo-mashkiki, gagwekwendan awii debinaman ekwa niizhing bidakoogowin ezhi wiindamaag owi mashkiki gamig maage gewe e'zhisidowaad apii miinwaa awii bidakogowin. Biidoon owi agaa masinaakozigaadeg ashowizo-mashkiki debwebiigan agaa miingowin nongo apii miinwaa gdo ekwa niizhing zhisijgewin awii bidakogowin.